

皇極經世卷第六之上

皇極經世卷第六之中

三 川 邵 堯夫 撰

註五

經世之申二千二百四十一

甲子漢孝靈皇帝十七年黃巾寇起鄧盛為太尉張溫為司空侍中向栩張鈞

下獄死閻人大起誣構黃巾平

乙丑黑山賊起崔烈為司徒張延為太尉許相為司空三輔寇亂陳耽劉陶坐直言死

丙寅張溫為太尉江夏兵起前太尉張延

下獄死

丁卯曹官至關內侯曹嵩為太尉三輔盜

起漁陽賊稱帝

戊辰天下群盜起黃巾賊復寇郡國稱帝

置八校尉以捕天下群盜馬日磾為

太尉曹操為典軍校尉袁紹為中軍

校尉董重為驃騎將軍

己巳帝崩皇太子辯踐位皇太后何氏臨

朝稱制大將軍何進專政改元光熹

封皇弟協為勃海王殺上軍校尉蹇

碩驃騎將軍董重及太皇太后董氏議立協故也徙協為陳留王中常侍

張讓毆珪殺大將軍何進中郎袁術以兵攻東宮張讓毆珪以帝及陳留

王是北宮何苗攻北宮司隸校尉袁紹兵入大殺閹豎讓珪以帝及陳留

王出走小平津尚書盧植兵追及之讓珪投于河死盧植以帝及陳留王

還宮改元昭寧董卓自太原入廢帝為弘農王立陳留王協是謂獻帝徙

太后何氏于永安宮改元永漢卓殺太后何氏及弘農王辯于永安宮稱

相國專制黃瓊為太尉楊彪為司徒荀爽為司空袁紹入冀州

庚午改元初平天下兵起群校尉推袁紹

為主同攻董卓卓大殺宗室及官屬

遷帝西都長安孫堅兵起荊州白波賊寇東郡劉虞為太傅种拂為司空

辛未董卓稱太師大焚洛陽宮闕及徙居民于長安孫堅敗董卓兵于陽人入

洛脩完諸帝陵寢引軍還魯陽黑山  
賊寇常山黃巾賊擾太山

壬申董卓將王允呂布誅卓于長安夷三  
族卓將李權郭汜陷長安殺王允呂  
布走袁紹權汜擅政以皇甫嵩為太

尉溥于嘉為司徒曹操破黃巾于壽  
張孫堅卒于策代總其眾

癸酉李權郭汜屠三輔朱儁為太尉趙溫  
為司空袁紹袁術交兵東方

甲戌改元興平帝加元服楊彪為太尉孫  
策據有江南

乙亥李權郭汜爭權相攻于長安楊定楊  
奉董丞以帝東還曹操破呂布于定

丙子帝還洛陽改元建安曹操徙帝都許  
昌

丁丑袁術稱帝九江拜袁紹大將軍曹操  
破袁術于揚州呂布襲劉備于下邳

劉備走曹操  
戊寅曹操平呂布于下邳兼有徐州

己卯袁術死曹操將公孫瓚屯于易水孫  
策破劉勳于廬江

庚辰曹操大敗袁紹于官渡劉備去曹操  
奔劉表于荆南江南孫策卒弟權繼  
事

辛巳  
壬午袁紹卒子尚繼事以弟譚為將軍  
癸未袁尚袁譚相攻譚敗奔曹操

甲申曹操破袁尚于鄴兼有冀州尚走青  
州譚復奔尚

乙酉曹操滅袁氏于青州譚死尚走烏丸  
丙戌曹操破高幹于太原幹走荊州

丁亥曹操破烏丸于聊城袁尚走遼東死  
戊子曹操殺太中大夫孔融遂領丞相荆  
州劉表卒子琮繼事劉備起諸葛亮

于南陽亮以吳周瑜兵大破曹操于  
赤壁遂有荊州稱牧治公安

己丑孫權會劉備于京口劉備表孫權為  
徐州牧孫權表劉備為荊州牧

庚寅曹操起銅爵臺于鄴孫權南收交州

辛卯曹操平關中益州劉璋會劉備于葭  
萌孫權自京口徙治秣陵

壬辰曹操割河已北屬鄴孫權城石頭改  
秣陵為建業  
癸巳曹操以冀之十郡稱魏國公加九錫

劉備攻劉璋于成都孫權扞曹操于  
濡須

經世之酉二千二百四十二  
甲午漢獻帝二十六年曹操弑皇后伏氏  
及二皇子又破張魯米賊于漢中劉

備克成都據有巴蜀孫權取劉備三  
郡

乙未曹操以女上皇后又平張魯于漢中  
孫權劉備連兵攻曹操

丙申曹操進爵為魏王南伐吳

丁酉曹操用天子服器孫權稱表曹操報  
以婚禮

戊戌少府耿紀司直韋晃殺曹操不克伏  
誅操攻劉備進攻漢中

己亥劉備取曹操漢中稱王孫權取鄧備

荆州稱攔羽死之

庚子改元建康曹操卒子丕繼事是年丕

代漢命于鄴是謂文帝改國曰魏元

曰黃初降帝為山陽公葬太祖曹操

于丙陵自鄴徙都洛陽

辛丑魏郊祀天地是年劉備稱帝成都建

國曰蜀元曰章武諸葛亮為相孫權

自建業徙都鄂改鄂為武昌

壬寅魏加兵于吳蜀伐吳不利敗于統亭

是年孫權稱王武昌是謂文帝建國

曰吳元曰黃武通使于蜀以脩前好

癸卯蜀主備卒于白帝城太子禪繼是謂

後主改元建興魏與蜀和親

甲辰魏伐吳

乙巳魏伐吳始兵廣陵蜀諸葛亮平四郡

漢

丙午魏帝丕終太子獻嗣位是謂明帝司

馬懿為驃騎大將軍

丁未魏改元太和有事于南郊及明堂蜀

諸葛亮出師漢中

戊申蜀諸葛亮圍魏陳倉吳破魏石亭

己酉蜀克魏武都吳孫權稱帝改元黃龍

自武昌復徙都建業

庚戌魏伐蜀假司馬懿黃鉞蜀諸葛亮攻

魏天水

辛亥蜀圍魏岐山

壬子蜀息軍黃沙吳改元嘉禾

癸丑魏改元青龍蜀伐魏師出褒斜

甲寅魏南伐吳至于壽春西伐蜀至于魏

南蜀諸葛亮卒于師吳伐魏師出合

肥是年漢山陽公卒

乙卯魏大起洛陽宮室司馬懿為太尉蜀

以蔣琬為大將軍專國事

丙辰

丁巳魏改元景初公孫淵以遼東叛稱王

戊午魏司馬懿平遼東蜀改元延熙吳改

元赤烏

己未魏明帝獻終齊王芳繼司馬懿及曹

爽輔政

庚申魏改元正始

辛酉吳全琮伐魏軍出淮南

壬戌蜀姜維伐魏軍出漢中

癸亥魏帝加元服司馬懿伐吳至于舒蜀

蔣琬伐魏軍出漢中吳伐魏軍出六

安

經世之戊二千二百四十三

甲子魏主芳五年蜀主禪二十一年吳主

權二十三年魏曹爽伐蜀無功

乙丑蜀伐魏費禕師出漢中吳將馬茂作

難夷三族

丙寅

丁卯魏曹爽專政何晏秉機司馬懿稱病

戊辰蜀伐魏費禕師出漢中

己巳魏曹爽奉其君謁高平陵太傅司馬

宣王稱兵于內夷大將軍曹爽及其

支黨曹真曹訓曹芳何晏丁謚鄧颺

畢執李勝桓範張當三族迎帝還宮

改元嘉平復皇太后懿加九錫專國

事

庚午魏伐吳南郡

辛未魏司馬懿宣王卒子師繼事吳改元

太元

士申魏伐吳不利吳改元神鳳權卒于亮

繼改元建興

癸酉吳蜀伐魏

甲戌魏亂司馬師廢其君芳立萬貴鄉公

髦改元正元師假黃鉞專制稱景王

蜀伐魏姜維拔魏三城吳改元五鳳

乙亥魏司馬師伐吳平淮南還許昌卒子

昭繼事為大將軍錄尚書事專制蜀

姜維敗魏軍于臨洮吳孫峻敗魏于

壽春

丙子魏改元甘露大敗蜀軍于上邽司馬

昭稱文王假黃鉞吳改元太平大將

軍孫峻卒國亂

丁丑魏大將軍諸葛誕以揚州叛入于吳

蜀伐魏姜維師出洛谷吳王亮始親

戊寅魏司馬昭伐吳拔壽春誅諸葛誕蜀

改元景耀官氏黃皓專政吳亂大將

軍孫綝廢其君亮立亮弟休改元永

安繚作逆伏誅

己卯

庚辰魏亂司馬昭弒其君髦立常道鄉公

璜改元景元昭加九錫稱進國公專

制

辛巳

壬午魏鄧艾鍾會伐蜀

癸未魏滅蜀徙其君子洛陽蜀改元炎興

是年國亡吳出軍壽春救蜀不克

甲申司馬昭進爵為晉王增郡二十用天

子服器改元咸熙以檻車徵鄧艾鍾

會以蜀叛吳孫休卒濮陽王興中軍

張布廢休子暉立權廢子和之子皓

改元元興皓立誅興及布

乙酉魏司馬昭卒子炎繼事是年炎代魏

命是謂武帝改國為晉元曰太始降

其君璜為陳留王徙于鄴吳徙都武

昌改元甘露

丙戌吳改元寶鼎復還建業

丁亥晉立子衷為皇太子

戊子吳伐晉

己丑吳改元建衡南伐交趾

庚寅吳孫秀奔晉

辛卯吳平交趾蜀劉禪卒于晉

壬辰晉賈充以女上太子妃遂為司空吳

改元鳳凰

癸巳晉何曾為司徒吳師寇晉弋陽

經世之亥二千二百四十四

甲午晉武帝十年吳主皓十年晉分幽州

城平州

乙未晉改元咸寧吳改元天冊

丙申晉東西夷十七國內附吳改元天璽

丁酉晉四夷內附吳改元天紀將邵凱夏

祥逃入于晉

戊戌吳劉翽祖始逃入于晉

己亥晉命賈充督楊渾瑯王仲王渾王

戎胡奮杜預唐彬王濬七將兵二十

萬伐吳是年沒人發魏襄王掾得書

七十五卷

庚子晉平吳從孫皓于洛陽改元太康

辛丑

壬寅東夷夷二十九國修貢山濤為司徒

衛瓘為司空賈充卒

癸卯孫皓卒魏舒為司徒

甲辰

乙巳

丙午

丁未

戊申

己酉汝南王亮為司馬段黃鉞

庚戌改元太熙武帝崩太子衷踐位是謂

惠帝冊妃賈氏為皇后改元永熙葬

武帝于峻陵王渾為司徒何劭為太

師裴楷為少師和嶠為少保王戎為

少傅衛瓘為太保石鑿為司空

辛亥改元永平皇后賈氏專制夷十二大

臣族太傅楊駿太保衛瓘汝南王亮

皆被殺焉廢太后楊氏為庶人徙之

金墉遣諸王就國改元元康趙王倫

為大將軍

壬子賈氏弑皇太后楊氏于金墉

癸丑

甲寅

乙卯武庫火

丙辰張華為司空秦雍寇亂齊萬年稱兵

涇陽楊茂搜稱兵百頃

丁巳王戎為司徒何劭為僕射

戊午

己未賈后廢皇太子適為庶人及其二子

送之金墉裴頠為僕射

庚申改元永康皇后賈氏徙皇庶人于許

昌殺之趙王倫梁王彤廢皇后賈氏

為庶人送金墉殺之誅宰相張華及

僕射裴頠侍中賈謐又誅嵇康呂安

石崇潘岳于東市倫解黃鉞稱相國

專制以彤為太宰冊羊氏為皇后賈

氏黨趙欽以成都叛

辛酉趙王倫竊命徙帝于金墉改元建始

齊王罔成都王穎河間王顥兵入誅

趙王倫及其黨迎帝反正罔大司馬

專制以穎為大將軍顥為太尉改元

永寧流人李特殺趙欽于成都張軌

以涼州叛

壬戌長沙王又河間王顥成都王穎新野

王歆范陽王虓兵入誅齊王罔送其

族于金墉殺之又稱太尉專制改元

太安流人李特以六郡稱牧廣漢

癸亥河間王顥成都王穎東海王越執長

沙王又送之金墉殺之顥稱太宰專

制于長安陸機陸雲兵死石水以徐

揚亂李特攻成都不可死子雄繼

皇極經世之六

以運經世之九

經元之甲一

經會之午七

經運之辛一百八十八

觀初篇之三十四

經世之子二千二百四十五

經世之子二千二百四十五

甲子晉惠帝十四年河間王顥廢皇后羊

氏及皇太子暉徙之金墉表成都王

穎為太弟加九錫鎮鄴改元永安右

衛將軍陳軫復羊氏皇后及暉太子

大會司徒王戎及東海王越高密王

簡平昌公模吳王晏豫章王熾襄陽

王範左僕射荀藩八部兵奉帝北伐

鄴師敗于湯陰愁紹死之帝如北軍

穎以帝歸鄴改元建武顯將張方入

洛復廢皇后羊氏及暉太子安北將

軍王浚東瀛公騰以烏丸攻鄴穎師

敗帝還洛陽河間王使張方徙帝西

都長安亦復羊氏皇后及永安年號

穎太弟以豫章王熾為太弟改元永

興王戎豫朝政始分東西臺是年李

雄逐羅尚于成都稱王單于左賢王

劉淵稱王離石國曰漢元曰元熙

乙丑東海王越嚴兵徐方范陽王彪抗師

許昌成都王穎擁兵河北河間王顥

又復廢羊氏皇后以穎為大將軍都

督河北越將周權入洛又復羊氏

皇后洛陽令何喬殺周權又廢羊氏

皇后越攻穎不已穎敗棄鄴走洛

陽越攻洛陽穎奔顯于長安漢劉

淵攻晉劉琨于板橋不利

丙寅東海王越范陽王彪兵攻長安河間

王顯成都王穎走南山越將祁弘

宋胄以帝東還洛陽復以羊氏為皇

后改元光熙越稱太傅錄尚書事專

制越為司空卒越遂弒帝立太弟熾

是謂懷帝引溫羨為司徒王衍為司

空顯穎野死李雄稱帝成都曰蜀

元曰太武謂之後蜀

丁卯晉改元永嘉東海王越稱大丞相鎮

許昌以后父梁芬為太尉成都王黨

汲桑陷郡王彌稱兵青徐漢劉淵破

晉河東諸郡晉劉琨獨保晉陽

戊辰劉淵稱帝蒲子改元永鳳拔晉平陽

居之王彌石勒附于漢石勒攻常山

王彌攻洛陽焚建春門

己巳東海王越入洛殺大臣十餘人以左

僕射山簡征東南大將軍都督荊州

南鎮襄漢劉淵改元河瑞石勒兵出

鉅鹿王彌兵出上黨劉聰兵出壺關

同攻晉洛陽

庚午東海王越徵兵天下諸侯咸無從者

自率兵出許昌漢劉淵卒子和繼弟

楚王聰殺和代立改元光興以北海

王義為皇太弟劉曜為相國石勒為

大將軍

辛未天下亂晉詔兖州荀晞會諸侯兵伐

許昌會東海王越卒乃止是年洛陽

陷王衍為石勒獲王師十二敗帝及

傳國六璽皆没于寇長安亦陷南陽

王模亦没于寇漢劉曜王彌石勒拔

晉洛陽俘其帝于平陽改元嘉平劉

曜拔晉長安保之石勒害王彌于己

吾而并其眾蜀李雄拔晉梓潼及涪

城改元玉衡

壬申晉懷帝在平陽賈疋逐劉曜于長安

三輔與閭鼎梁芬梁綜麴允麴持奉

秦王業為皇太子以入長安鎮東將

軍瑯琊王睿帥亡眾大集壽春苟晞

保蒙城不利降于石勒劉琨保晉陽

不利奔常山拓跋猗盧以兵六萬來

救大敗劉曜劉粲于狼孟劉琨復保

陽曲漢劉聰納劉殷女二人為皇后

孫四人為貴妃拔晉太原復失之

○ 癸酉晉懷帝死于平陽皇太子業稱帝長

安是謂愍帝改元建興以梁芬為司

徒麴允為使持節領軍錄尚書事索

綝為尚書左僕射瑯琊王睿為左丞

相都督陝東諸軍事南陽王保為右

丞相都督陝西諸軍事山東郡縣悉

陷于寇漢石勒鎮襄國曹疑攻下三

齊據有廣固

甲戌晉以瑯琊王睿為大司馬苟祖為司

空劉琨為大將軍封涼州張軌為太

尉西平郡王軌卒子寔繼稱西河王

國曰涼元曰永興城姑城是謂前涼

漢劉聰立三皇后改元建元劉曜圖

晉長安石勒圍晉幽州

乙亥晉進左丞相瑯琊王睿大都督中外

軍事右丞相南陽王保為相國司空

苟祖為太尉大將軍劉琨為司空陶

侃平江表獲杜弼漢劉聰立七星后

授石勒專命伴征伐勒拔晉濮陽

○ 丙子晉長安陷于寇帝出降于豆田中漢

劉曜拔晉長安俘其帝于平陽改元

麟嘉石勒拔晉太原劉琨走幽州依

改匹碑

丁丑晉帝在平陽瑯琊王睿渡江稱晉王

于建康元曰建武以西陽王羲為太

尉王敦為大將軍王導都督中外帝

死于平陽

戊寅晉王睿稱帝建康改元大典以子紹

為太子是謂東晉元帝劉琨為改匹

碑所害王敦稱牧荊州王導開府建

康漢劉聰卒子粲繼改元漢昌將斬

粲殺祭代立相國劉曜自長安入至

赤壁稱帝改元光初加大將軍勒九

錫封趙國公國人誅斬準以迎曜

己卯晉南陽王保保祁山稱晉王漢劉曜

還長安改國曰趙是謂前趙殺石勒

使者王循石勒稱王襄國國曰趙元

曰趙王是謂後趙以張賓為之相號

大執法以弟虎為之將號元輔

庚辰晉南陽王保走桑城死涼亂張茂殺

寔代立改元永和

辛巳晉王導為司空幽州陷段匹碑没于

石勒鮮卑慕容廆受晉持節都督遼

東遼西

壬午晉改元永昌大將軍王敦以武昌叛

破石頭稱丞相都督中外太保西陽

王羨進位太宰加司空王導進位尚

書令石虎寇太山梁顧以淮陰叛帝

憂憤死皇太子紹嗣位是謂明帝石

勒拔劉曜河南

癸未晉改元太寧王敦假黃鉞劉曜石勒

皆入寇趙劉曜拔晉陳安收隴城陝

城及上邽趙石勒滅晉曹嶷于廣固

涼張茂稱藩于前趙

甲申晉王敦寇江寧帝御六軍敗敦于越

城敦死于蕪湖王導為太宰蜀李雄

以兄之子班為太子涼張茂卒兄子

駿立改元太元

乙酉晉以子衍為皇太子石勒入寇以陶

侃為征西大將軍都督荆湘梁雍明

帝終太子衍嗣位是謂成帝太后庾

氏稱制司徒王導錄尚書事同中書

令庾亮闕政遼西亂段遼弑其主自

立趙石勒拔晉司袁豫三州及劉曜

新安許昌

丙戌晉改元咸和進王導大司馬假黃鉞

都督中外軍事蜀李雄攻進涪城趙

石勒攻晉汝南

丁亥晉豫州祖約歷陽蘇峻彭城王雄章

武王休連兵犯建業司馬流距戰不

克死于慈湖

戊子晉蘇峻敗王師于西陵入宮稱驃騎

將軍錄尚書事徙帝于石頭虞潭與

庾冰王舒稱義三吳會征西將軍陶

侃平南將軍溫嶠平比將軍魏該圍

峻白石滅之峻弟逸代總其衆韓晃

寇宣城祖約奔石勒勒大敗劉曜於

洛陽獲之遂滅前趙用徐光為中書

令

己丑晉蘇逸據石頭帝野次勝舍敗逸于

石頭逸退保吳興王允敗逸于漂陽

滅之趙石生進收長安石虎破上邽

殺劉熙劉胤三千人進平隴右

庚寅晉陸阮孔愉為左右僕射起新宮于

苑陶侃擒郭默于尋陽蜀李雄攻晉

巴東涼張駿潘于石勒趙石勒稱

帝自襄國徙都鄴改元建平

辛卯晉以陸阮為尚書令

壬辰晉徙居新宮進太尉陶侃大將軍趙

石勒卒子弘繼改元延熙加石虎九

錫專政稱丞相魏王殺中書令徐光

及石長史程遐

癸巳晉遼東公慕容廆卒子皝繼蜀李雄

卒子班繼叔父壽專政趙亂石弘出

奔譙城石朗稱兵洛陽石生抗軍長

安石虎咸滅之

經世之丑二千二百四十六

甲午東晉成帝九年蜀李班為庶兄越所

殺立雄子期改元玉恒越專政涼張

駿受晉大將軍命

乙未晉改元咸康石虎入寇假大司馬王

導黃鉞出兵戍慈湖牛渚蕪湖趙亂

石虎殺弘代立稱攝天王改元建武

丙申

丁酉鮮卑慕容皝稱王遼東趙石虎稱正

天王

戊戌單于冒頓拓跋什翼提稱王定襄國

曰代元曰建國蜀亂李壽自漢中入

殺期代立改國為漢元曰漢興慕容

皝攻後趙



巳亥晉王導卒伐蜀

庚子晉陸阮為司空遼東慕容皝獻伐石

虎之捷漢李壽拔晉丹州

辛丑晉慕容皝求為假燕王徙居和龍

壬寅晉成帝崩母弟瑯琊王岳立是謂康

帝封成帝二子丕為瑯琊王弈為東

海王中書監庾冰中書令何充尚書

令諸葛恢輔政漢李壽卒子勢繼改

元太和

癸卯晉改元建元

甲辰晉康帝崩太子聃繼是謂穆帝太后

稱制趙石虎伐涼不利伐燕有功

乙巳晉改元永和會稽王昱錄尚書六條

事專政

丙午晉桓溫伐蜀漢李勢平李奕改元嘉

寧涼張駿卒子重華繼改元永樂趙

石虎攻涼金城

丁未晉桓溫滅蜀徙李勢于建康蜀復亂

范賁稱帝成都涼張重華敗石虎于

抱罕

戊申晉桓溫為征西大將軍入長安至于

灊上遼東慕容皝卒子儁繼趙石虎

攻晉竟陵

己酉晉平蜀亂鮮卑慕容儁稱王遼東國

曰燕元曰燕元是謂前燕趙石虎稱

帝改元大寧虎卒子世繼張豺為相

專制內難作石遵自關右入殺世及

張豺代立石冰自劔門入殺遵不克

石閔殺遵立石鑿改元青龍閔稱大

將軍專政符洪稱兵廣川

庚戌趙石鑿殺大將軍閔及李農不克閔

殺鑿代立復姓冉氏改國曰魏元曰

永興大滅石氏宗室鑿弟祗稱帝襄

國以將劉顯南攻冉氏不克殺祗以

降閔破襄國誅顯滅其族將符健自

枋頭入關逐杜洪于長安據之將魏

統以兗州冉遇以豫州樂弘以荊州入

鄭系以洛州入于晉劉淮以幽州入

于燕燕南略地至幽冀

辛亥趙將周成以廩丘高昌以野王樂立

以許昌李歷以衛州請附于晉劉啓

姚弋仲亦奔于晉魏冉閔攻燕不利

死國亡石虎將符健稱天王于長安

國曰秦元曰皇始是謂前秦敗晉軍

于五丈原燕慕容儁南伐魏滅冉閔

于昌城

壬子晉武陵王晞為太宰會稽王昱為司

徒大將軍桓溫為太尉魏冉智以難

降燕慕容儁稱帝白和龍徙居中山

改元天璽秦符健稱帝長安

癸丑涼秦相苻融張重華卒子耀繼伯

父苻殺耀靈代立改元永平

甲寅晉太尉桓溫伐秦至灊上秦符健敗

晉軍于白鹿原又敗之于子午谷

乙卯晉將段龕敗無軍于狼山右軍王羲

之辭官歸涼宋混張瓘殺張祚

靈弟玄靚改元太始燕南攻晉不利

秦符健卒子生繼

丙辰晉桓溫敗姚襄軍于伊水遂復洛陽

秦符生改元壽光

丁巳晉改元升平帝加元服王彪之為左

僕射燕改元光壽自中山徙都鄴秦

符生虐用其人稚子堅殺生代立去

帝稱天王改元永興以王猛呂隆樓

強注梁平老為之輔

戊午晉將馮翊以眾入于燕燕拔晉上黨

己未晉伐燕不利燕敗晉于東阿秦改元

甘露以王猛為中書令尹京兆

庚申晉仇池公楊俊卒子世繼燕慕容儁

辛子暉繼改元建燕慕容恪為太宰

專政慕容評為太傅慕容根為太師

慕容垂為河南大都督根作逆伏誅

辛酉晉穆帝終立成帝于瑯琊王不是謂

哀帝

壬戌晉改元隆和燕師攻晉洛陽

癸亥晉改元興寧桓溫為大司馬假黃鉞

都督中外軍事北伐涼帥天錫殺玄

靚代立改元太清燕將慕容評攻晉

許昌

經世之寅二千二百四十七

甲子東晉哀帝三年餌丹有疾太后稱制

燕秦入寇洛陽

乙丑晉哀帝終于餌丹母弟瑯琊王奕立

洛陽陷于燕司馬勳以梁州叛稱成

都王秦改元建元匈奴二右賢王以

朔方叛平之

丙寅晉改元太和會稽王昱為丞相燕秦

入寇涼張天錫受晉命大將軍都督

隴右燕拔晉魯郡秦拔晉南鄉

丁卯燕攻晉竟陵秦攻晉涼州

戊辰秦符雙以上邽符抑以蒲坂叛王猛

悉平之

己巳晉大司馬桓溫北伐燕不利歸罪表

真衰真以壽陽入于燕燕大將慕容

垂敗晉師于枋頭以眾降秦評言功

故也秦救燕有功取燕之金墉真無

信也

庚午晉壽陽表真卒子瑾繼桓溫敗瑾于

壽陽廣漢及成都寇亂王猛滅燕于

鄴徙慕容暄于長安收郡五十七猛

留鎮鄴

辛未晉桓溫平壽陽獲表瑾以歸廢其君

奕為海西王立會稽王昱改元咸安

是謂文帝溫稱丞相鎮姑熟專制殺

太宰武陵王晞斬蔡王晃仍降海西

王為公及害其二子與母

壬申晉命苗濟餘句為鎮東將軍領樂浪

守庾希以海陵叛入于京口文帝昱

終于曜嗣是謂武帝桓溫還姑熟秦

王猛平慕容暄于遼東滅仇池公楊

纂于秦州

癸酉晉改元寧康大司馬桓溫卒太后稱

制王彪之為尚書令謝安為尚書僕

射專政張天錫貢方物秦拔晉成都

及梓潼

甲戌晉桓石破秦軍于墊江張育稱太子

蜀秦復平之

乙亥秦大將軍王猛卒

丙子晉改元太元帝加元服皇太后委政

桓沖桓豁為將軍謝安為尚書監錄

尚書事秦滅前涼徙張天錫于姑臧

又平朔方獲托跋什翼健徙之長安

丁丑晉秦二國抗衛天下

戊寅晉作新宮

己卯晉敗秦軍于淮南秦拔晉襄陽

庚辰晉李遜以文陟叛秦符洛以和龍叛

辛巳晉謝石為尚書僕射桓石攻秦有功

四夷六十二國脩貢于秦

壬午

癸未晉伐蜀敗秦軍于武當秦符堅舉國

南伐晉謝安帥謝琰謝玄桓冲桓伊

大敗秦師于淝水進圍洛陽秦符堅

喪師壽春符融没于戰諸將咸叛慕

容垂稱王滎陽北居中山國曰燕元

曰燕元是謂後燕攻符丕于鄴句町

翟真以行唐叛仇池楊世入于晉

甲申晉假謝安黃鉞都督軍事領廣陵領

荆南十五州復襄陽秦符朗以青州

降秦符堅來乞師遣劉牢之救秦

將姚萇稱王萬年國曰秦元曰白雀

是謂後秦慕容冲稱王阿房慕容泓

稱王華池慕容永稱王長子吕光稱

王酒泉萇冲兵互逼長安燕北伐高

句麗復遼東故也

乙酉晉謝安校秦至于長安復洛陽以還

卒秦符堅没于姚萇子丕自鄴攻晉

陽稱帝改元太安慕容冲屠長安秦

將乞伏國仁稱牧洮罕國曰秦元曰

建義是謂西秦燕慕容垂南平鄴徙

都之秦姚萇獲符堅于五將山歸殺

之于新平是年冒頓托跋什翼珪稱

王定襄之成樂國曰魏元曰登國是

謂後魏道武皇帝

丙戌秦符丕為慕容永所敗走晉東桓為

晉將馮該所殺其眾奔杏城符登稱

帝隴東改元太初符堅將吕光稱牧

姑臧國曰涼元曰太安是謂後涼燕

慕容垂稱帝于鄴改元建興慕容冲

為將段木延所害其眾奔垂慕容永

稱帝長子秦姚萇稱帝徙居長安改

元建初

丁亥晉以子德宗為太子敗翟遼于洛口

秦符登東攻姚萇封乞伏國仁為苑

川王

戊子秦符登攻姚萇不利秦乞伏國仁卒

弟乾歸立稱河南王改元太初徙都

金城

己丑晉陸納為尚書令彭城妖賊亂翟遼

圍滎陽秦姚萇西攻符登涼吕光稱

三河王改元麟嘉

庚寅晉敗翟遼于滑臺永嘉寇亂秦符登

攻姚萇不利

辛卯晉王珣為左僕射謝琰為右僕射

壬辰晉蔣詒以青州亂慕容垂平句町翟

釗于滑臺西秦乞伏乾歸開地至巴

及隴

癸巳秦符登攻姚萇不利秦姚萇卒子興

繼去帝稱王

經世之卯二千二百四十八

甲午東晉孝武帝二十二年後魏道武皇

帝十年秦苻登攻姚興不利戰死于  
崇立奔湟中稱帝改元延初為乞伏  
乾歸所滅燕慕容垂平慕容末于長  
子秦姚興復稱帝槐里改元皇初涼  
呂光徙居樂都

乙未燕慕容垂攻魏不利魏破燕師于秦

谷

丙申晉武帝泛舟于泉池没太子德宗嗣

位是謂安帝會稽王道子專政燕慕容  
容垂拔魏平城垂卒于上谷子寶繼

改元丕康太原陷于魏魏拔燕并州

圓中山稱帝改元皇始涼呂光稱天

王改元龍飛

丁酉晉改元隆安兖州王恭豫州庾楷吳

郡王欽各以城叛燕慕容寶北走龍

城慕容詳稱帝中山慕容普隣殺詳

代立慕容賀隣自丁零入又殺普隣

代立徙居鄴中山陷于魏呂光寇西

秦自金城復徙居苑川涼呂光將充

髮烏孤稱王廩川國曰涼元曰太初

是謂南涼涼呂光將沮渠蒙遜立段  
業為牧于張掖國曰涼元曰神璽是  
謂北涼

戊戌晉北伐燕師敗于管城兖州王恭豫  
州庾楷荆州殷仲堪廣州桓玄兵犯

建業敗內師于白石假會稽王道子

黃鉞玄師敗走潯陽杜炯以京口亂

燕慕容寶南伐至于黎陽乃復將蘭

汗殺寶代立于龍城稱昌黎王改元

青龍寶子盛誅蘭汗稱王改元建平

稱帝再改元長樂鄴陷于魏范陽王

慕容德自鄴南走滑臺稱王改元上

元是謂南燕魏拔燕之鄴及信都改

元天興自盛樂徙居平城涼禿髮烏

孤克金城敗呂光于街亭稱武威天

王

己亥秦姚興拔晉洛陽燕慕容德拔晉青

州仇池楊盛稱藩于晉妖賊孫恩陷

晉會稽晉謝琰劉牢之往伐劉裕始

參軍政秦姚興去帝號稱王改元弘

如魏南攻滑臺涼呂光傳子紹位稱

太上皇光卒兄纂殺紹代立涼禿髮

烏孤徙居樂都烏孤卒弟利鹿孤立

又徙居西平仍附于姚興涼段業稱

天王改元天璽大將沮渠蒙遜出守

西安燕慕容德遜辟閭諱于廣固徙

居之滑臺没于魏

庚子晉司馬劉裕敗孫恩于臨海以揚州

元顯為十六州都督燕慕容盛去帝

號稱庶人大破高句麗秦姚興破西

秦俘其王乞伏乾歸于長安涼呂纂

改元咸寧大司馬呂弘殺纂不克涼

利鹿孤改元建和涼將李嵩稱牧秦

州國曰涼元曰庚子是謂西涼燕慕

容德稱帝廣固改元建平

辛丑晉平孫恩劉裕出守下邳燕慕容盛

將段瓌行弒盛叔父熙誅瓌稱帝改

元光始秦姚興放乞伏乾歸還苑川

涼呂超弒其君纂立其兄隆改元神

鼎稱藩于姚興涼禿髮利鹿孤稱西

河王涼大將沮渠蒙遜自西安入殺段業代立改元永安

壬寅晉改元元興桓玄據荊州建牙夏口

假揚州元顯黃鉞顯軍敗玄入于建

業稱侍中丞相錄尚書事又稱太尉

總百揆乃殺都督元顯及會稽王道

子以瑯琊王德文為太宰改元大亨

劉軌以冀州叛秦姚興伐呂光有功

拒魏不利魏敗秦軍于蒙坑涼禿髮

利鹿孤卒弟倕擅立改元弘昌徙居

樂都涼沮渠蒙遜稱藩于姚興

癸卯晉加桓玄九錫稱相國楚王用天子

器服玄竊命徙其帝于永安官降為

平固王遷之潯陽改國曰楚元曰末

始

甲辰晉帝在潯陽劉裕唱義帥濟國劉毅

東海何無忌二州兵大破桓玄兵于

京口又敗玄將桓弘于廣陵吳甫之

于江乘皇甫敷于羅落玄逼帝走江

陵裕又敗玄兵于盆口玄復逼帝東

下裕又敗玄兵于崢嶸洲又破之于覆舟山迎帝入江陵玄敗死于枚涸

洲其將桓振復陷江陵幽帝譙縱以

成都叛稱王秦姚興入十二郡脩好

貢于晉魏改元天錫涼呂隆奔姚興

國亡涼傳擅去年號求姑臧於姚興

燕慕容德卒凡之子超立

乙巳晉年桓振帝自江陵還建業改元義

熙劉裕都督中外錄尚書事還鎮丹

徒涼傳擅受姚興命徙姑臧燕慕容

超改元太上涼李嵩徙居酒泉改元

建初稱藩于晉

丙午晉伐蜀敗譙縱于白帝孔安國為尚

書左僕射大將軍劉裕開府京口仇

池楊威稱藩燕慕容超三軍奔晉燕

慕容熙將馮跋殺熙立慕容雲復姓

高氏稱王改元正始秦姚興將赫連

勃勃稱天王于朔方國曰夏元曰龍

昇

丁未晉劉裕入朝殺東陽太守殷仲文南

蠻校尉殷叔文晉陵太守殷道叔求

嘉太守駱球姚興攻禿髮俾擅及赫

連勃勃乞伏乾歸復稱王苑川改元

更始涼禿髮俾擅攻沮渠蒙遜及赫

連勃勃

戊申晉劉裕入總朝政北敗慕容超于臨

朐出大峴進圍廣固魏國亂后萬人

同子申弒其君珪次于紹誅萬人及

申自立是謂明帝魏史云賀夫人秦

乾歸南攻姚興涼傳擅復稱王姑臧

改元嘉平夏勃勃南攻姚興

己酉晉劉裕滅南燕徒慕容超于建業後

燕國亂將馮跋用章臣離班殺法代

立稱天王改元太平是謂北燕魏改

元永興秦乾歸平抱罕夏赫連攻姚

興

庚戌晉始興賊盧循兵寇建業劉裕大破

之循走潯陽再破之于豫章裕假黃

鉞蜀兵陷巴東秦乞伏乾歸兄之子

公府所殺于熾盤誅公府而自立改

元末康涼沮渠蒙遜攻李嵩有功夏

赫連勃勃攻姚興不利

辛亥晉劉裕南攻盧循盧循走交州死劉

殺以江陵叛涼沮渠蒙遜攻充髮傳

擅有功夏赫連勃勃攻姚興不克

壬子晉劉裕殺劉藩及謝琨遂平劉毅于

江陵涼傳擅徙居樂都姑臧陷于沮

渠蒙遜涼蒙遜拔充髮傳擅姑臧徙

居之稱西河王改元玄始

癸丑晉朱齡石平蜀魏改元神瑞與秦姚

興和親秦熾盤破土谷渾于澆河涼

傳擅攻蒙遜不利夏改元鳳翔城統

萬

甲寅秦乞伏熾盤滅南涼禿髮傳擅

乙卯晉荊州刺史司馬休之雍州刺史魯

宗之叛裕攻破之逐之于江陵劉穆

之為尚書僕射秦姚興卒于泓繼弟

鄒作難不克魏改元太常

丙辰晉劉裕北伐姚泓拔洛陽進逼潼關

加裕九錫總百揆封宋國公秦姚泓

改元末和洛陽陷于晉姚懿姚恢內

叛兵逼長安姚紹平之秦乞伏熾盤

拔沮渠蒙遜河湟夏赫連勃勃拔姚

泓陰密

丁巳晉劉裕平長安滅後秦執姚泓以歸

以子義真守長安裕加宋王魏南攻

晉兵敗于河曲涼李嵩卒于歆立改

元嘉興

戊午晉劉裕弒其君德宗立其弟瑯琊王

昌明是謂恭帝長安陷于夏涼李歆

稱藩于晉夏赫連勃勃拔晉之長安

稱帝改元武昌

己未晉改元元熙宋王劉裕自揚州入用

天子服器秦乞伏熾盤改元建弘夏

赫連勃勃遷居統萬改元真興

庚申劉裕代晉命于揚州是謂武帝改國

曰宋元曰末初降其君德文為零陵

王

辛酉宋零陵王德文卒

壬戌宋武帝劉裕終于義符繼魏攻宋滑

臺

癸亥宋改元景平魏攻宋金墉明帝紹終

于燾繼是謂太武皇帝涼沮渠蒙遜

滅西涼執李歆歸于姑臧

經世之辰二千二百四十九

甲子宋帝義符二年臣徐羨之傅亮行弒

立其弟義隆是謂文帝還都建業改

元元嘉魏太武元年改元始光

乙丑魏武帝以崔浩為相夏赫連勃勃卒

子昌繼改元承先

丙寅宋文帝誅執政徐羨之傅亮謝晦以

荊州叛平之魏拔夏之長安

丁卯魏西破夏赫連昌

戊辰魏改元神麴武帝破夏于統萬俘赫

連昌以歸西北開地三千里秦乞伏

熾盤卒于慕末繼改元末嘉涼沮渠

蒙遜改元承玄夏之統萬陷于魏弟

定代立徙居平涼改元勝光

己巳

庚午宋之金墉陷于魏燕馮跋卒弟弘殺

跋之子翼代立改元太興魏拔宋洛陽涼沮渠蒙遜改元義和夏赫連定政秦慕末

辛未宋之滑臺陷于魏夏滅西秦于苑川俘其君乞伏慕末魏滅夏于平涼浮其君赫連定

壬申宋謝靈運棄市于廣州魏改元延和遼西內附

癸酉宋謝惠連卒涼沮渠蒙遜卒于牧捷繼改元永和

甲戌魏南開地至漢中

乙亥魏改元太延

丙子宋誅檀道濟魏滅北燕虜馮弘于遼西

丁丑

戊寅

己卯魏滅北涼于姑臧獲沮渠牧犍以歸庚辰魏改元太平真君與宋稱南北朝

辛巳

壬午

癸未魏克仇池

甲申

乙酉

丙戌魏毀象教

丁亥魏攻長安

戊子

己丑

庚寅魏南開地江淮夷宰相崔浩三族

辛卯魏改元正平伐宋至于瓜步

壬辰魏國亂中常寺宗愛弒其君武帝立

南定王餘改元承平又殺之群臣迎武帝孫濬立之是謂文成皇帝改元

與安夷宗愛三族元壽樂為太宰都督中外錄尚書事

癸巳宋國亂太子劬弒其君文帝代立改元太初少子武陵王駿稱帝新君克

建康誅二凶改元建武是謂孝武皇帝

經世之已二千二百五十

甲午宋孝武皇帝二年魏文成皇帝三年

帝

帝

帝

帝

改元興光

乙未魏改元太安

丙甲

丁酉宋改元大明

戊戌

己亥

庚子魏改元和平

辛丑

壬寅

癸卯

甲辰宋孝武皇帝終太子業嗣位改元末

光

乙巳宋改元景和業立不明臣壽寂殺之迎湘東王或立之改元太始是謂明

帝魏文成帝終太子弘嗣位是謂獻

文皇帝

帝

丙午宋晉安王子勳以潯陽叛稱帝平之

冊于昱為太子魏師入寇魏改元天安盡取宋江北地大丞相元澤謀逆

伏誅

丁未魏改元皇興

戊申

己酉

庚戌

辛亥魏獻文授太子宏位是謂孝文皇帝

弘稱太上皇改元延興

壬子宋改元太豫明帝失道死太子昱立

癸丑宋改元元徽

甲寅宋桂陽王休範以江州叛兵犯建業

右衛將軍蕭道成平之

乙卯魏改元承明

丙辰宋建平王景素謀殺蕭道成不克道

成爲司空錄尚書事魏太后馮氏弒

太上皇

丁巳宋國亂蕭道成弒其君昱廢爲蒼梧

王立明帝子准改元昇明道成假黃

鉞稱齊國公專制改元大和

戊午

己未宋相國蕭道成稱王是年代宋命于

建業改國曰齊元曰建元是謂太祖

以子贍爲皇太子降其君准爲汝陰王殺之

庚申

辛酉

壬戌齊高帝道成終太子贍嗣位是謂武

帝以子懋爲太子攻魏淮南

癸亥齊改元永明

經世之午二千二百五十一

甲子齊武帝二年魏孝文帝十三年

乙丑

丙寅

丁卯

戊辰

己巳

庚午

辛未

壬申魏伐蠕蠕

癸酉齊武帝終太子懋亦卒其孫昭業立

甲戌齊改元隆昌五月西昌王蕭鸞行弒

廢其君爲鬱林王立其弟昭子改元

延興爲假黃鉞稱宣城王都督中外

專制十月宣城王蕭鸞廢昭文爲海

陵王殺之代立是謂明帝改元建武

以子寶卷爲太子魏大伐于齊

乙亥齊大殺宗室是年魏自平城徙都洛

陽用中國禮樂

丙子魏改姓元氏

丁丑

戊寅齊改元永泰明帝鸞終太子寶卷嗣

位魏伐齊拔新野

己卯齊改元永元以子誦爲太子魏孝文

帝終子怡繼嗣位是謂宣武自玉帝彭

城王總受顧命輔政

庚辰齊崔惠景以廣陵叛兵犯建業世宗

平之寶卷殺懿蕭衍稱兵襄陽蕭賴

稱兵荊州魏改元景明彭城王總拔

齊壽春

辛巳齊蕭衍立南康王寶融于江陵以兵

圍臺城國人殺寶卷而入寶融于建

業是謂和帝改元中興衍稱相國司



空假黃鉞錄尚書事專制廢寶卷為  
東昏侯蕭寶卷奔魏

壬午齊蕭衍被九錫封梁王四月衍代齊

命于建業是謂武帝改國為梁元曰

天監以子統為皇太子降其君寶融

為巴陵王殺之于姑熟

癸未

甲申魏改元正始

乙酉

丙戌

丁亥東西夷四十國脩貢于魏

戊子魏改元永平殺太師元勰

己丑戎夷二十四國脩貢于魏

庚寅

辛卯東西夷二十九國脩貢于魏

壬辰魏改元延昌

癸巳

經世之末二千二百五十二

甲午梁武帝十三年魏武帝十五年

乙未魏宣武終太子詡嗣位是謂孝明皇

帝太后胡氏稱制劉騰元義為輔相

丙申魏改元熙平

丁酉

戊戌魏改元神龜

己亥

庚子梁改元普通魏改元正光幽靈太后

胡氏于北宮

辛丑

壬寅

癸卯

甲辰

乙巳魏改元孝昌相劉騰元義罪免為庶

人迎太后胡氏于北宮還政中山上

谷彭城寇亂

丙午

丁未梁帝衍沒身于同泰寺改元大通魏

諸郡寇亂

戊申魏改元武泰太后胡氏殺其帝詡立

無名子大都督爾朱榮自太原入殺

無名子及太后胡氏諸王貴臣于河

陰立長樂王攸是謂莊帝改元建義

又改元永安榮都督中外諸軍事稱

太原王還晉陽專制

己酉梁改元中大通衍復沒身于同泰寺

群臣以錢幣贖衍還政元顥自梁入

洛稱帝改元建武徙攸于河址爾朱

榮自晉陽入逐元顥迎攸返政

庚戌魏帝攸殺爾朱榮于洛陽宮爾朱兆

自晉陽入徙攸于河東殺之爾朱世

隆立長廣王曄于長子改元建明

辛亥梁昭明太子統卒晉安王綱為太子

魏爾朱兆廢曄立惠陵王子恭于洛

陽是謂節閔改元普泰還鎮晉陽冀

州刺史高歡稱兵信都立章武王子

勃海太守朗于信都改元中興歡稱

丞相

壬子魏高歡襲據鄴敗爾朱兆于韓陵西

平并州南入洛廢恭殺之又廢朗于

河陽殺之又廢平陽王脩于洛陽改

元太昌再改元永熙還鎮鄴專制爾

朱兆走秀容死脩立是謂武帝

癸丑魏高歡平爾朱氏

甲寅魏高歡入洛帝脩西走長安歡立清

河王子善見是謂靜帝改元天平徙

洛陽四十萬戶于鄴都之是謂東魏

歡鎮太原都督中外專制宇文泰廢

脩于長安殺之立南陽王寶炬是謂

文帝改元大統是謂西魏泰都督中

外專制

乙卯梁改元大同

丙辰侯景為東魏右僕射南行臺

丁巳西魏宇文泰大破東魏高歡軍于沙

苑

戊午東魏改元元象高歡大破西魏宇文

泰兵于洛陽

己未東魏改元興和

庚申

辛酉

壬戌

癸亥東魏改元武定高歡大破西魏宇文

秦軍于芒山遂拔洛陽

經世之申二千二百五十三

甲子梁武帝四十二年西魏文帝十一年

東魏靜帝十一年

乙丑

丙寅梁武帝三失身于同泰寺改元中大

同羣臣及皇太子畢會于同泰寺是

夜同泰大火

丁卯梁改元太清東魏勅海王高歡卒于

晉陽于澄繼事侯景以河南十三州

叛慕容紹宗敗侯景於長社景南走

壽春附于梁封為河南王

戊辰侯景兵犯梁建業立蕭王德于南關

己巳侯景破梁臺城殺衍立太子綱是謂

文帝景稱大丞相都督中外軍事專

制湘東王繡開府江陵將王僧辯陳

霸先率兵攻侯景東魏盜殺高澄于

晉陽弟洋自鄴還晉陽繼事

庚午梁改元大寶侯景稱相國漢王逼綱

走西州西魏拔梁之安陸取漢中地

東魏高洋入總百揆進爵為齊王五

月洋代東魏命是謂宣帝改國為齊

元曰天保降其君善見為中山王

辛未侯景廢梁帝綱又殺之立豫章王棟

改元天正又廢之代立改國為漢元

曰太始西魏文帝寶炬卒于欽繼

壬申梁湘東王繡平侯景使將朱買臣殺

棟稱帝江陵是謂元帝改元承聖以

陳霸先為征北大將軍王僧辯為揚

州刺史武陵王紀稱帝成都年用天

正西魏稱元年

癸酉梁平武陵王于蜀西魏宇文泰殺高

書元烈

甲戌梁蕭登引西魏兵陷江陵殺綿及諸

王大將軍陳霸先揚州刺史王僧辯

立緯之子晉安王方智于潯陽是謂

恭帝還都建業王僧辯為太尉居內

陳霸先為司空鎮丹徒西魏宇文泰

弑其君欽立齊王廓改元元年泰用

蕭登南征拔江陵殺綿徙其民于長

安

乙亥梁貞陽侯蕭明自齊入至東關太尉王僧辯拒之不勝遂迎蕭明入建業立之降方智為太子改元天成司空陳霸先自丹徒入殺王僧辯廢蕭明為司徒封建安公復立方智改元紹泰霸先為尚書都督中外專制是年蕭譽稱帝江陵改元大定北附于宇文氏是謂後南梁

丙子梁改元太平陳霸先稱相國敗齊軍

于江上西魏宇文泰卒子覺繼事是年覺代西魏命于長安是謂閔帝改國為周是謂後周元稱元年降其君廟為宋國公

丁丑梁相國陳霸先進爵為陳王十月陳

霸先代梁命于建業是謂武帝改國曰陳元曰永定降其君方智為江陰王周亂宇文護弑其君覺立宇文毓是謂明帝稱元年護為太宰專制戊寅梁蕭莊以郢州稱帝求援于齊

己卯陳武帝霸先終兄臨川王蒨立是謂

文帝以子伯宗為太子周宇文毓稱天王改元武成齊宣帝洋卒子殷繼于晉陽以諸父演為太師湛為司馬元氏宗室無少長皆殺之投于漳水

庚辰陳改元天嘉周亂宇文護弑其君毓立其弟邕是謂武帝齊改元乾明大師高演弑其君殷代立是謂昭帝改元皇建

辛巳周改元保定齊帝演卒于晉陽大司

馬湛立改元太寧是謂武成壬午齊改元河清還都鄴後南梁蕭譽卒于歸繼改元天寶

癸未甲申周齊戰于洛陽

乙酉齊高湛傳子緯位改元天統丙戌陳改元天康文帝藉終太子伯宗嗣立庶兄瑒錄尚書都督中外軍事專制周改元天和丁亥陳改元光大

戊子陳亂安成王陳瑱弑其君伯宗代立是謂宣帝

己丑陳改元太建以子叔寶為太子庚寅齊改元武平

辛卯

壬辰陳將吳明徹伐齊有功周襲封李淵為唐國公誅太宰晉公護改元建德癸巳陳伐齊有功

經世之酉二千二百五十四

甲午陳宣帝瑱七年周武帝邕十五年齊

武帝緯十年後南梁蕭巋十二年

乙未周大伐齊圍其晉州及洛陽

丙申周拔齊平陽及晉陽齊拒周不利晉州陷于周緯走并州周圍并州緯走

鄴改元隆化兄宗德王延宗稱帝并州改元昌德并州又陷于周

丁酉周軍圍齊之鄴緯傳子恒位改元承

光緯走青州恒又禪丞相任成王潛潛稱守國天王鄴又陷于周國遂亡緯亦就擒于青州

戊戌周改元宣政帝邕卒于伐齊于贊繼

是謂宣帝以楊堅為上柱國大司馬

都督揚州改元天成

己亥陳將吳明徹伐周不利于呂梁淮南

之地盡没于周周帝贊傳子衍位是

謂靜帝贊稱天元大帝改元大象

庚子周大帝贊終大司馬楊堅自揚州入

總朝政假黃鉞都督中外軍事專制

堅召宇文宗室在蕃者六王至長安

皆殺之天下兵起尉遲迥稱兵相州

宇文弼稱兵榮州石遜稱兵建州帝

毗稱兵沛郡席人羅稱兵兗州王謙

稱兵益州堅悉平之進爵為隋王用

天子服器鄧州蕭難以鄧州入于陳

辛丑周改元大定是年隋王楊堅代後周

命于長安是謂文帝改國曰隋元曰

開皇以高穎虞慶則李德林康世康

暉元巖長孫毗楊尚希楊惠十人為

之輔冊妃獨孤氏為皇后子勇為太

子廣為晉王降其君衍為介國公殺

之

壬寅陳宣帝頊終于叔寶繼是謂後主隋

起新宮于龍首岡

癸卯陳次元至德隋徙居新宮

甲辰後南梁蕭歸報隋

乙己後南梁蕭歸卒于琮繼

丙午隋成國公梁士彥杞國公宇文忻舒

國公劉昉謀興復不克伏誅梁蕭琮

改元廣運

丁未陳改元禎明梁蕭琮納國于隋太傅

安平王蕭巖荊州刺史蕭獻降于陳

戊申隋命晉王廣秦王浚清河公楊素督

總管九十兵五十一萬為八路大伐

陳以壽春為行臺府

己酉隋師滅陳以陳後主叔寶歸于長安

庚戌蘇越饒泉發樂安蔣山水永嘉餘杭父

吐末服楊素悉平之

辛亥

壬子

癸丑

甲寅東巡封泰山

乙卯

丙辰

丁巳

戊午伐高麗無功

己未

庚申廢太子勇立晉王廣為皇太子

辛酉改元仁壽命十六使巡行天下

壬戌命七大臣定禮

癸亥

經世之戊二千二百五十五

甲子隋文帝二十四年帝崩晉王廣即位

是謂煬帝改元大業

乙丑

丙寅

丁卯

戊辰

己巳西幸河右征吐谷渾至于覆袁川

庚午南幸江都

辛未北幸涿郡

壬申以兵一百二十萬三千八百為二十

四軍分左右道大伐遼東不利全陷

九軍

癸酉以代王侑留守長安越王侗留守東

都秦王浩從駕征遼東復大集兵于

涿郡天下羣盜起楊玄感以本兵叛

于黎陽

甲戌高麗請降乃班師扶風盜稱帝延安

寇稱王離石賊稱天子

乙亥北巡至于鴈門為突厥所圍

丙子南幸江都羣盜李密稱兵河南竇建

德稱兵河北林士弘稱兵江南徐圓

朗稱兵山東劉武周稱兵代北薛舉

稱兵隴右

丁丑煬帝在江都唐公李淵自晉陽入立

代王侑于長安以江都帝為太上皇

改元義寧淵稱唐王專制羣盜竇建

德稱王河北李密進據鞏洛稱公國

曰魏元曰永平薛舉稱帝隴右國曰

秦元曰秦興梁師都稱兵夏州李軌

稱兵涼州蕭銑稱兵巴陵李子通稱

毗陵杜伏威稱兵歷陽

戊寅五月唐王李淵代隋命于長安是謂

神堯皇帝改國曰唐元曰武德以袁

叔劉文静為輔相世子建成為皇太

子次子世民為秦王降其君為郡國

公是年宇文文化及弒煬帝于江都立

秦王皓為主化及稱王專制北轉至

魏州化及又殺皓代立稱帝國曰許

元曰天壽又北走聊城王世充立越

王侗于東都改元皇始世充稱鄭王

專制羣盜竇建德進有河北都樂壽

隴右薛舉卒子仁果立劉武周進有

河東稱帝國曰漢元曰天興梁師都

進有朔方稱帝國曰梁元曰永隆李

軌進有河右稱帝國曰涼元曰安樂

蕭銑進有江右及嶺表稱帝國曰梁

元曰鳳鳴李子通進有江都稱帝國

曰吳元曰明政朱粲進有山南稱帝

國曰楚元曰昌達沈法興進有江東

稱王國曰梁元曰延康林士弘稱帝

虔州國曰楚元曰太平杜伏威進有

淮南受唐封楚王秦王平隴右獲薛

仁果

己卯唐秦王平河右獲李軌李密與王世

充相攻不利奔唐復叛死于邢公岨

徐世勳以河南十郡降竇建德滅宇

文化及于聊城自立為帝甫有黎陽

之地稱國曰夏元曰五鳳蕭銑滅林

士弘于虔州杜伏威南保江都李子

通西保江陵王世充殺越王侗于東

都稱帝國曰鄭元曰開明朱粲降于

唐復殺唐使者奔王世充

庚辰唐秦王平河東劉武周走突厥李子

通滅沈法興于江東徙居餘杭工部

尚書獨孤懷恩以謀逆伏誅

辛巳唐秦王平河南河右獲王世充及竇

建德以歸杜伏威滅于通于餘杭竇

建德將劉黑闥復稱兵河北

壬午唐李靖滅蕭銑于金陵江南及嶺表

平

癸未唐秦王平河北獲劉黑闥又平徐圓

朗于曹州江淮杜伏威來朝其將輔

公祐稱王丹徒國曰宋

甲申唐李靖平輔公祐于江淮

乙酉唐加秦王中書令

丙戌皇太子建成齊王元吉作難殺秦王

不克秦王以長孫無忌尉遲敬德侯

君集張公謹王君廓房玄齡杜如晦

長孫順德柴紹羅藝劉師玄李世勣

劉弘基王孝恭平之于玄武門帝乃

授秦王世民位退居太安宮稱太上

皇高士廉為侍中房玄齡為中書令

蕭瑀為尚書右僕射

第五十一

丁亥改元貞觀尚書封倫卒蕭瑀為左僕

射長孫無忌為右僕射

戊子平梁師都于朔方

己丑相裴寂以罪免房玄齡為尚書左僕

射杜如晦為尚書右僕射李靖為兵

部尚書魏徵守秘書監關議朝政

庚寅李靖平突厥獲頡利可汗戴胄蕭瑀

丞預朝政溫彥博為中書令

辛卯春大蒐于昆明冬幸溫湯

壬辰祀南郊

癸巳魏徵為侍中頒新定五經于天下

經世之亥二千二百五十六

甲午唐廢孝皇帝九年

乙未李靖平吐谷渾獲其王放還本國太

上皇崩于太安宮葬高祖于獻陵

丙申魏徵遷特進溫彥博遷右僕射

丁酉幸洛陽宮

戊戌高士廉為右僕射

己亥幸九成宮荒服十國來脩貢

庚子侯君集平高昌獲其王以歸弘化公

主孃于吐谷渾至日圓丘祀昊天

上帝

辛丑幸洛陽文成公主孃于吐蕃

壬寅幸岐陽

癸卯圖二十四勲臣于凌煙閣內雜作皇

子齊王祐以齊叛廢太子承乾為庶

人徙之黔幽魏王泰于北苑徙之均

以晉王治為皇太子誅侯君集至日

祀南郊

甲辰岑文本馬周為中書令幸洛陽及觀

征遼東

五十二

乙巳平高麗

丙午李勣破薛延陀荒服十一國脩貢

丁未起翠微宮于終南山

戊申阿史那平龜茲獲其王以歸征松州

蠻司空房玄齡特進蕭瑀卒褚遂良

為中書令

己酉帝崩于翠微宮皇太子治踐位葬太

宗于昭陵長孫無忌褚遂良輔政復

李勣官仍加特進于志寧張行成進

侍中知政事

庚戌改元永徽褚遂良罷政

辛亥征賀魯至于金領至日有事于南郊

壬子冉陳王忠為皇太子韓瑗來濟為相

宇文節為侍中柳奭為中書令

癸丑駙馬都尉房遺愛禁令武薛萬徹荆

王元景及二公主以謀逆伏誅遂殺

吳王恪褚遂良復為右僕射睦州女

冠亂

甲寅葉長安羅城親謁昭陵

乙卯廢皇后王氏良姊蕭氏為庶人冊昭

儀武氏為皇后罷長孫無忌褚遂良

政事以許敬宗李義府為相武后殺

庶人王氏及蕭氏崔敦禮為中書令

丙辰廢皇太子忠為梁王冊代王弘為皇

太子改元顯慶杜正倫為相

丁巳幸許洛以洛陽為東都李義府進中

書令許敬宗進侍中貶相韓瑗來濟

為州刺史

戊午蘇定方平賀魯獲其王

己未殺長孫無忌褚遂良于流所幸東都

庚申廢梁王忠為庶人蘇定方平百濟獲

其王扶餘

辛酉改元龍朔

壬戌遷長安進門下尚書中書為東中西

三臺分侍中中書令為左右相造蓬

萊官計圍師為左相尋下獄

癸亥起舍元殿于蓬萊官李義府為右相

尋配流嵩州死改來年為麟德

皇極經世卷第六之中

皇極經世卷第六之下

三 川 邵 堯夫 撰 詠六

運經世之十 觀物篇之三十四

經元之甲一

經會之午七

經運之壬一百八十九

經世之子二千二百五十七

甲子唐弘孝皇帝十五年殺西臺侍中上

官儀又殺庶人忠于流所竇隱玄為

左相劉祥道為右相

乙丑帝同皇后巡東海封泰山陸敦信為

右相

丙寅帝同皇后至自泰山改元乾封劉仁

軌為右相

丁卯禁工商乘馬戴至德李安期張文瓚

並同東西臺三品

戊辰李勣平高麗執其王祀明堂改元總

章

己巳帝同皇后幸九成宮張文瓚同東西

正一天師清微弟子 洪百堅 製作

道教學術資訊網站